

הארץ: ונלחמו אליך ולא יוכלו לך
 כי אתך אני נאם יהוה להצילך:
 והי דבר יהוה אלי לאמר: הלה
 וקראת באזני ירושלם לאמר כה
 אמר יהוה זכרתי לך חסד נעורייך
 אהבת כלולתיך לכתך אחרתי
 במדבר בארץ לא זרועה: קדש ישראל
 ליהוה ראשית תבואתה כל-אכליו
 יאשמו רעה תבא אליהם נאם יהוה:



Shaar Shalom Brotherhood
 Temple Bath El Men's Club

Thornhill, Ontario
 Rochester, New York

הפטרה עניינה דפורענותא

ירמיה ב

תורתיל אונטריו
 רוצ'סטר, ניו יורק

אגודת אחים שער שלום
 אגודת אחים של טמפל בית אל

שמעו דבר יהוה בית יעקב
 וכל משפחות בית ישראל: כה אמר
 יהוה מה מצאו אבותיכם בי עול כי
 רחקו מעלי וילכו אחרי ההבל
 ויהבלו: ולא אמרו איה יהוה המעלה
 אתנו מארץ מצרים המוליך אותנו
 במדבר בארץ ערבה ושוחה בארץ
 ציה וצלמות בארץ לא-עבר בה
 איש ולא ישוב אדם שם: ואביא
 אתכם אל-ארץ הפרמל לאכל
 פריה וטובה ותבאו ותטמאו את-
 ארצי ונחלתי שמתם לרועעבה:
 הכהנים לא אמרו איה יהוה ותפשי
 התורה לא ידעוני והרעים פשעו בי
 והנביאים נבאו בבעל ואחרי לא-
 יועלו הלכו: לכן עד אריב אתכם
 נאם יהוה ואת-בני בניכם אריב: כי
 עברו איי כתיים וראו וקדר שלחו
 והתבוננו מאד וראו הן היתה כזאת:
 ההימיר גוי אלהים והמה לא אלהים

ועמי המיר כבודו בלוא יועיל: שמו
 שמים על-זאת ושערו חרבו מאד
 נאם יהוה: כי-שתים רעות עשה
 עמי אתי עזבו מקור מים חיים
 לחצב להם בארות בארת נשברים
 אשר לא-יכלו המים: העבד ישראל
 אם-ליד בית הוא מדוע היה לבז:
 עליו ישאגו כפרים נתנו קולם ושיתו
 ארצו לשמה עריו נצתו מבלי ישוב:
 גם-בני-נף ותחפנחס ירעוף קדקד:
 הלווא-זאת תעשה-לך עזבך את-
 יהוה אלהיך בעת מולכך בדרך:
 ועתה מה-לך לדרך מצרים לשמות
 מי שחור ומה-לך לדרך אשור
 לשמות מי נהר: תיסרך רעתך
 ומשבותיך תוכחך ודעי וראי כי-רע
 ומר עזבך את-יהוה אלהיך ולא
 פחדתי אליך נאם-אדני יהוה צבאות:
 כי מעולם שברתי עלך נדקתי
 מוסרותיך ותאמרי לא אעבור כי
 על-כל-גבעה גבהה ותחת כל-עץ
 רענן את צעה זנה: ואנכי נטעתיך
 שורק כלה זרע אמת ואיך נהפכת
 לי סורי הגפן נכריה: כי אם-תכבסי
 בנתר ותרבי-לך ברית נכתם עונך
 לפני נאם אדני יהוה: איך תאמרי
 לא נטמאתי אחרי הבעלים לא
 הלכתי ראי דרכך בגיא דעי מרה
 עשית בכרה קלה משרכת דרכיה:
 פרה אלמד מדבר באות נפשה
 שאפה רוח תאנתה מי ישיבנה כל-
 מבקשיה לא יעפו בחדשה ימצאונה:
 מנעי רגלך מיחף וגרונך מצמאה
 ותאמרי נואש לוא כי-אהבתי זרים
 ואחריהם אלך: כבשת גנב כי ימצא

בן הבישו בית ישראל המה מלכיהם
שריהם וכהניהם ונביאיהם: אמרים
לעץ אבי אתה ולאבן את ילדתנו כי
פנו אלי ערף ולא פנים ובעת רעתם
יאמרו קומה והושיענו: ואיה אלהיך
אשר עשית לך יקומו אם יושיעוך
בעת רעתך כי מספר עריך היו
אלהיך יהודה: הלוא מעתה קראת
לי אבי אלוף נערי אתה: אם תשוב
ישראל ונאם יהוה אלי תשוב ואם
תסיר שקוציך מפני ולא רנוד:
ונשבעת חי יהוה באמת במשפט
ובצדקה והתברכו בו גוים ובו יתהללו: